

LINGUISSIMO
Forum Helveticum
Bleicherain 7
5600 Lenzburg



Lenzburg, 15.09.2020

COMMUNICAZIUN A LAS MEDIAS

Tribuna libra per il final naziunal da LINGUISSIMO a Bellinzona!

30 giuvenils da tut la Svizra sa participeschan al dudeschavel final da la concorrenza svizra da las linguas LINGUISSIMO. L'occurrentza organisada dal Forum Helveticum ha lieu ils 26 ed ils 27 da settember 2020 en la Biblioteca chantunala da Bellinzona. En il center stattan ils inscuters plurilinges ed il scriver litterar – quest onn davart il tema teater. Da gudagnar datti in viadi en ina citad europeica ubain ad in'occurrentza culturala en Svizra.

Da passa 230 texts inoltrads da giuvenas participantas e giuvenas participants da 16 fin 21 onns da tut la Svizra ha la giuria tschernì 30 finalistas e finalists da las quatter regiuns linguisticas. L'incumbensa da l'emprima runda è stada d'inoltrar texts e maletgs en connex cun lieus svizzers ch'èn impurtants per els e che tematiseschan il chavazzin «dschungla». Tut questas contribuziuns creativas èn publicgadas uss en la [charta interactiva](#). Durant la fin d'emna dal final a Bellinzona survegnan ils giuvenils ina nova incumbensa ch'els ston schliar sco tandem: scriver scenas da teater bilinguas. Per pudair far quai inscuntran ils giuvenas scripturs talentads las auturas ed ils auturs svizzers Flavio Stroppini (TI), Christine Schmocker (BE), Michaël Perruchoud (FR) ed Annina Sedláček (GR). Els introduceschan ils giuvenils en la tematica dal scriver tocs da teater. Ina bell'anecdota: la pedagoga da teater Christine Schmocker è sezza stada l'onni 2008 ina da las finalistas da l'emprima ediziun da LINGUISSIMO.

Ultra da quai survegnan ils giuvenils in'invista culturala en il chantun ospitant: la sonda saira introducescha il musicist Marco Zappa els en il stgazi da chanzuns tessinais. La dumengia vegnan tschernids las sis victuras e victurs dal final. Els gudognan in viadi comunabel en ina citad europeica ubain ad in'occurrentza culturala en Svizra.

Ils collavuradors da medias èn envidads cordialmain a la prelecziun live da las scenas da teater da las finalistas e dal finalists da LINGUISSIMO la dumengia, **ils 27 da settember 2020 a las 13.30** en las localitads da la Biblioteca chantunala da Bellinzona, Palazzo Franscini (Viale S. Franscini 30a, 6501 Bellinzona).

Il cusseglier guvernativ Manuele Bertoli, directur per furmazion, cultura e sport dal chantun Tessin, e Stefano Vassere, directur dal Sistem bibliotecar dal chantun Tessin, vegnan a beneventar las preschentas ed ils preschents. En consequenza da Covid-19 è il dumber da plazzas limità – nus As supplitgain d'As annunziar ordavant **fin il pli tard ils 21 da settember 2020**.


La concorrenza LINGUISSIMO vegn organisada dapi il 2008 dal Forum Helveticum, l'organisaziun per la chapientscha linguistica e culturala en Svizra, e da ses partenaris. Dapli infurmaziuns davart il project chattais Vus sin www.linguissimo.ch.

Infurmaziuns a las medias:

Quinta Schneider, directura a.i. dal Forum Helveticum, info@linguissimo.ch ubain via t 062 888 01 25

Link per las medias: <http://linguissimo.ch/ch/medias-2/>

Cun sustegn da:



Sophie und Karl
Binding Stiftung

Partenari local:

biblioteca cantonale
viale s. franscini 30a
ch – 6501 bellinzona
biblioteca cantonale
bellinzona бэстолдид
бэноннелелонотно
⌘

